

欽定大清會典事例

欽定大清會典事例卷八百九十二

工部

鼓鑄銅鉛鐵

銅鉛鐵。○順治二年定。差工部司官一人。專督辦買商銅。○九年題准。動支荊州蕪湖龍江杭關稅銀各二萬兩。以五分買銅。五分買鐵。解部備用。○十七年題准。動支蕪湖龍江荊州杭關長蘆五差額稅辦銅。總計全局鼓鑄。每年需銅一百八十萬斤。各關辦九十萬斤。部辦九十萬斤。○康熙元年題准。停止部內辦銅。○二年定。

令部商收買釐錢。暫停各關辦銅。將額銀解部。
○三年題准。蘆課歸併戶部。令蕪湖龍江二關
各辦銅二十九萬二千三百七斤有奇。杭關辦
銅七萬三千五百斤。荆關辦銅六萬一千五百
三十八斤有奇。○十三年題准。各關銅辦解一
半。○二十一年覆准。各關銅照舊全解。○二十
三年議准。寶源局每年需銅一百二十萬斤。除
蕪湖龍江。杭關荆關現辦解七十一萬九千六
百五十四斤。尚少銅四十八萬三百四十六斤。
照部定銅價。每斤六分五釐動支。江蘇撫屬蘆

課銀一萬一千五十兩。辦銅十有七萬斤。安徽撫屬蘆課銀三千九百兩。辦銅六萬斤。湖廣蘆課銀六百五十兩。辦銅萬斤。江西蘆課銀六百二十兩七錢五分。辦銅九千五百五十斤。許墅關稅銀六千一百七十五兩。辦銅九萬五千斤。蕪湖贛關各稅銀一千九百五十兩。各辦銅三萬斤。湖口關稅銀九百十兩。辦銅一萬四千斤。太平關稅銀二千六百兩。辦銅四萬斤。鳳陽關稅銀一千四百十有六兩七錢四分。辦銅二萬一千七百九十六斤。照例解部。○二十五年議

准各關辦銅定價。每斤六分五釐。今增銅價三分五釐。每斤銀一錢。作為額數。嗣後各藩司辦銅。如有私派浮徵者。該撫即行題參。互相隱匿。該撫一併照例處分。○二十七年議准。各關銅價。每斤增至一錢。蘆課辦銅價值。亦照各關例。每斤加增銀三分五釐。○三十九年議准。蕪湖、許野、荊關、太平、橋鳳、陽湖、口等關銅。令商人承辦。○四十二年議准。兩浙鹽差辦銅二十五萬斤。令商人承辦。○四十四年議准。福建、廣東鹽差。各辦銅十有三萬斤。福建海關十萬斤。廣東

海關七萬五千斤。江南海關五萬斤。浙江海關七萬斤。兩浙鹽差增辦銅十有五萬斤。均令商人承辦。○五十一年議准。龍江西新杭關贛關銅。均令商人承辦。○五十二年定。增兩浙鹽差銅二十萬斤。福建鹽差銅六萬斤。廣東鹽差銅十萬斤。並江蘇安徽湖廣蘆課銅均令商辦。○五十三年覆准。奏銷各商所辦銅鉛額數。以十分為率。未完不及二分者。免其處分。限一年完足。未完二分至五分以上者。交各衙門照分數分別治罪。未完六分以上者。照侵欺錢糧例。從

重治罪。皆限一年內照欠補完。不能補完者。變
產追賠。○五十四年議准。寶源局每年共需銅
鉛二百十有六萬斤。停止商辦。令江蘇安徽江
西福建浙江湖南湖北廣東八省動支正項錢
糧。每省辦紅銅十有八萬八千九百七十六斤
十三兩有奇。共解寶源局銅一百五十一萬一
千八百十四斤八兩四錢。每銅一斤。價銀一錢
二分五釐。又商領戶部錢糧。辦解寶源局倭鉛
一百萬七千八百七十六斤五兩六錢。每鉛一
斤。價銀六分二釐五毫。凡銅鉛水腳。每斤銀五

分。實給三分。節省二分。解交戶部。○五十七年
覆准。銅價日貴。將節省水腳銀。增入額銅價內。
每斤價銀一錢四分五釐。○六十年議准。八省
銅。歸併江浙二省辦解。江南辦五省。共解寶源
局銅九十四萬四千八百八十四斤。浙江辦三
省。共解寶源局銅五十六萬六千九百三十斤。
各有奇。○雍正二年覆准。江南所辦五省銅。分
出二省。交與福建廣東承辦。江南辦寶源局銅
五十六萬六千九百三十斤。福建廣東各辦銅
十八萬八千九百七十六斤。各有奇。○又議准。

浙江所辦三省銅。分出二省。交與湖北湖南承辦。每省辦寶源局銅十八萬八千九百七十六斤有奇。○十一年議准。江南等八省上下兩運額解之銅。均照部頒法馬。每省鑄給四副。兌收兌解。並將所頒法馬。令運官齎領至部。局官收銅時。將帶至法馬。與局存法馬較準合一。然後兌收。至雲南省亦應鑄給法馬二副。各省赴滇買銅。照此收買。○十二年議准。京局鼓鑄。每年額辦鉛三百六十六萬餘斤。令貴州巡撫於雍正十三年為始。選官採買。分解戶工二局商辦。

之鉛。停其採辦。再湖南郴州桂陽州每年抽稅鉛。向附商人額鉛解部。今商辦既停。應令該撫委官運解。○乾隆三年議准。江南等省停解洋銅。各委官齎價赴雲南採買解京。如雲南銅不敷。仍令江浙海關買補。第各省委官採買。長途萬里。呼應不靈。應令雲南管廠大員委員押運來京。但該省地方各官。不便盡行差委。令該督撫酌定員數具題。交部於候補候選府州佐貳等官揀發該省差委押運。○又奏准。令雲南督撫將本年應辦銅。先委該省現任官作速運解。

以副次年鼓鑄之用。仍令吏部即於候補候選
佐貳等官內。先行揀發十數人。星馳往滇。將解
銅員缺。令其委署。俟解官回任。更替押運。○又
議准。雲南運京銅。應將原頒法馬。以一副留省
秤發。一副給駐紮張灣轉運交部之官。俟運官
解銅到日。即照部頒法馬秤收。仍於轉解京局
時。齎原給部頒法馬。赴部較準兌收。其自張灣
轉運已攜法馬赴部後。有雲南銅陸續解到。無
憑較準秤收。應照依原頒法馬別鑄一副。頒發
應用。○五年議准。京局改鑄青錢。應需黑鉛五

十萬斤。令雲貴總督於柞子等廠收買。分解兩局。每年減辦白鉛五十六萬斤。至點銅錫十五萬斤。令廣東巡撫辦解。○十年題准。廣東省採買洋錫。應解寶源局七萬五百七十一斤。每百斤給銀十三兩五錢。買運供鑄。○十四年題准。貴州省黑鉛。出產稀少。應改歸湖南省辦解。每年額運寶源局鉛十有一萬六千七百六十一斤十三兩有奇。仍分上下兩運解京。○二十八年奏准。雲南省辦運京銅。務將上色高銅批解京局。其銅色在八成以下者。毋得攙雜解送。○

又奏准。湖南省榔桂二廠。出鉛稍衰。京局歲需黑鉛。今湖南貴州二省各半分運。以資鼓鑄。○二十九年奏准。寶源局鼓鑄錢文。需用白鉛。例由貴州每年辦解一百三十萬一千九百十四斤。發鑪鼓鑄。十六年添鑄十卯時。所需鉛斤。因庫有餘存。是以未議加鉛。今局內現存白鉛。並解京鉛斤。數計不敷應用。令貴州省於額辦之外。每年添辦白鉛十五萬斤。於乙酉年為始。按年如數添解。○三十二年奏准。雲南省現在辦理軍需。馬匹不能赴廠應用。以致辦銅稍短。今

將該省本年加運展限。並次年頭運第一起京銅。截留撥給各省供鑄。仍限二年帶運。補解清款。○又奏准。貴州省應解京局外省鉛斤。現因辦理軍需。馬匹缺乏。難於兼顧。令將應解京鉛。暫行停運半年。仍分作二年帶運。補解清款。○三十五年奏准。顏料庫現存黑鉛三百三十四萬餘斤。內酌撥二百萬斤。給予戶工二局。鼓鑄應用。令貴州湖南二省各將每年應解京局黑鉛。暫行停解二年。其湖南此項停運黑鉛。即行運赴漢口出售。以濟各省需用。○又奏准。貴州

省應辦壬辰年上運鉛斤。與辛卯年下運京鉛。均須於八月開行。兩運同時。勢難並辦。令將壬辰年上運鉛斤。暫行停止。分作二年帶解。○四十年議准。廣東省額解高錫。通盤計算存儲無多。令廣東以四十一年為始。於舊額歲解寶源局七萬五百七十一斤外。每年添辦高錫九千四百二十九斤。○又奏准。黔省辦解京局黑鉛。因開採年久。硃深礦微。無可措辦。令湖南省將貴州應解丁酉下運以後一半黑鉛。一併暫為辦解。○四十八年奏准。黔省鉛斤轉衰為旺。積

有成數而楚省鉛斤漸次短少不敷解運自宜通融調劑。應將京局歲需黑鉛七十萬餘斤。自四十九年為始。仍照舊湖南貴州二省各半分解。○五十年議准。貴州省辦解黑鉛。以戊申年上運為始。每運每員各加帶黑鉛八千二百三十八斤有奇。○五十九年議准。鼓鑄之法。仍照舊以銅六鉛四配鑄。毋庸加入黑鉛點銅錫。其湖南貴州二省。辦解京局之黑鉛。廣東省辦解京局之點銅錫。均停其辦解。以節糜費。○嘉慶四年議准。鼓鑄之法。試將四成白鉛內量為撓。

八黑鉛。共鉛四成有餘。合淨銅五成有餘。三色配鑄。錢文甚為完好。所有應用黑鉛。仍令湖南貴州二省照舊辦解。○五年奏准。寶源局添卯鼓鑄。令湖南貴州二省各加辦黑鉛三萬斤。自庚申年為始。按年搭解。○又奏准。湖南省榔桂二廠。俱因開採年久。產鉛衰微。酌令每年辦解黑鉛二十五萬斤。其黔省應辦黑鉛四十七萬餘斤。令貴州省認真採辦。務足原額。按年起解。以資配鑄。○八年

諭。那彥寶奏。滇省積存甯臺廠低潮銅五百餘萬斤。必

俟改煎純淨。方可撥給各省採買之用。但恐委員等守候需時。有誤局鑄。請將尖山廠所出之銅。改撥領運等語。甯臺廠積壓低銅。既難撥令委員領運。而尖山廠銅斤成色。與煎淨甯臺廠銅色相等。且尖山廠程站較之下關局。計近十五站半。運腳又屬節省。著照所請。通融撥給。以供採買。仍將換存省局甯臺廠並積貯下關局各低銅。一律改煎純淨。照舊撥給各省採買之用。○九年奉

旨。滇黔額運銅鉛。京局鼓鑄攸關。自當按運源源接濟。方無貽誤。且運鉛經過各省。均經朕派出藩臬大員。

沿途催趲是其專責。如果實力督催，何至行走延緩。俱著傳旨嚴行申飭。所有現在業經抵津各運銅鉛，著直隸總督嚴催，趕緊運通。並著倉場侍郎轉飭坐糧廳大通橋各監督，俟各運銅鉛一到，毋得拘泥定限，務於凍河以前設法趕運交局，以資接濟。其在清河漢口等處各運銅鉛，不迅速輓運，恐不免守凍來歲開行，必致糧艘擁擠，殊有關繫。著各該督撫上緊催趕，若再有遲逾，即著該督撫查明於何處耽延，將承催不力之藩臬指名參奏。○十一年

諭領運京鉛。關繫緊要。總應隨時催趲。無誤京局鼓鑄。

嗣後銅鉛運員到川務令迅速開行不得任令藉詞延誤。儻有實係患病者如為日無多尚可俟其病愈。催令起程。若察看病難速愈應即另行派員接運。以重局務。○十五年奉

旨。銅斤有闌鼓鑄。豈得任意稽延。著兩江直隸山東各督撫一體飭令各該地方官及經理銅鉛運務之藩臬各員實力嚴催。勒限趲運。毋任稍有玩延。致滋貽誤。仍著將各運銅船出境入境日期及有無逗遛情事隨時具奏。儻該運員等有藉故逗遛及各該地方官未能實力督催。致有遲緩。並著嚴叅示懲。○十七

年奉

旨。滇省運京銅斤。鼓鑄攸關。必須迅速到京。源源接濟。所有沿途行走各運滇銅。著派出專司督催之直隸山東等省藩臬大員。實力催趨。上年在東守凍之李錫一運銅斤。限於五月內交局。行抵江甯安徽等省之李開瑞張琛曾維道馮建蓀等四運銅斤。限於五月內抵遞。其辛未年滇員嵩山等各運銅斤。亦一體嚴催。迅速運京。毋得借守風守水為名。前運偶有耽延。後運藉詞觀望。致滋延誤。至桂芳等奏稱壬申年滇銅。現尚未報開行。著傳諭伯麟等。即轉飭領運各

員迅速啟行。其加辦銅斤。並應解銅批飯銀。均飭令一併報解。○又

諭銅鉛為鼓鑄攸關。長途運載。理宜加倍慎重。其間遠涉江河水風之險。固所不免。而不肖運員。竟有短帶銅斤。或沿途盜賣者。亦捏報沈溺。以掩飾其虧短。不可不嚴行查辦。由滇黔至京。經過各省。俱派有藩臬大員。專司督催稽查。原為剔除弊端。嗣後銅鉛船隻過境。遇有沈溺者。著該地方官報明該督撫。及專司查察之藩臬。如水次去省較近。即令藩臬親往查勘。其離省較遠者。督撫專派道府大員前往查勘。若查

有捏報情事。據實詳揭。該督撫即將運員嚴叅究辦。毋稍輕縱。至銅鉛質體笨重。必須船身堅固。方足以資運載。並著派出之藩臬。隨時稽查。如查有板薄釘稀。易致損壞者。查出將承辦之員。一併揭報叅處。並嚴禁夾帶私貨。以利遙行。其節年沈溺銅鉛。應行勒限打撈。及應繳撈費。並著一體據實查催。毋致懸宕。

○二十四年議准。滇銅不敷定額。請買川銅接濟。由川省甯遠府屬烏坡廠運至滇省黃草坪。再由金沙江運至瀘州銅局。每百斤除定價銀九兩二錢五分外。應需運價銀二兩六錢二分。

五釐川廠除本省鼓鑄外。應聽滇省儘數收買。惟該廠衰旺無常。勢難久恃。所有滇省年額。仍責成滇省各廠員。照數辦供。如所出短絀。以及收買川銅。仍不足額。照例叅處。○道光八年

諭康紹鏞奏查明鉛廠開採年久。獲鉛短絀。請減額辦解一摺。湖南桂陽州屬馬家嶺長富坪鉛廠二處。所產黑鉛。解供京局鼓鑄。嘉慶年間。經部議定。每年辦解鉛二十五萬斤。據該撫查明該廠開採以來。歷今八十餘年。產砂實形短少。煎鍊無多。每年止可辦鉛五萬一二千斤。難以增辦。奏請減額。桂陽州屬鉛廠

額定辦解鉛斤。關繫緊要。儻採辦不力。輒以硃老山空為詞。解不足額。必致貽誤鼓鑄。明年姑允該撫所請。准照五萬一二千斤之數。儘採儘解。嗣後仍著照部議定額。每年辦解鉛二十五萬斤。不得短絀。以供鼓鑄之用。該撫務當督飭該州。廣覓子壠。設法攻採。毋任稍有侵隱。九年奏准。查明湖南省桂陽州屬鉛廠。每年止能獲鉛五六萬斤。並無侵隱。現在覓有子廠。自道光十年為始。每年辦解十六萬六千餘斤。其餘八萬三千餘斤。向由郴州採辦。嗣因該廠無鉛停止。現查該州三元沖上坪地。

方。砂苗頗旺。自道光十年為始。仍照舊解鉛如原定之額。如有短絀。照例參處。○十一年覆准。銅鉛在途沈溺。運員自行採買運解者。由經過地方官驗明斤重塊數。飭令另行裝儲。一面造具冊結報部查覈。一面知照接護省分。查驗放行。仍將沈溺銅鉛。依限打撈。遇有撈獲。隨時咨明辦解。省分委員帶解。抵補。厯年挂欠。仍由該省將准銷銅鉛價值。連腳銀兩。發給墊買之員承領。並咨倉場轉飭坐糧廳。凡遇買補銅鉛。抵通。另行點驗裝車。以便分別驗收。○十三年奏。

銅斤短絀。援照楚黔成案採買奉

諭戶工寶泉寶源二局鼓鑄錢文。據該侍郎等援照成案。請採買商銅。以裕鼓鑄。著照所請。准其在於部庫借支銀六萬八千兩。戶局暫行採買銅三十萬斤。工局暫行採買銅十五萬斤。俾資配鑄。此項銀兩由各該局牌仰五城招商。驗明銅斤成色。分別公平兌收。陸續由部庫支領發給。仍令滇省將前運員沈瀾銅斤七十餘萬斤。劃出四十五萬斤。毋庸再行買補。其現在所有價銀。在於運員等名下查照定例。將應行著追歸款者。即行著追報撥。應行數數豁免者。即行

作正開銷。造冊報部查覈。○又奏准。戶工兩局本年

銅運短絀過多。酌撥江蘇省七成釵銅五十五

萬斤。山西省九九五成紅銅四十萬斤。共抵京

局所用八成滇銅一百萬斤。○十五年覆准。嗣

後京銅務須在八成以上。方准發運。如有低銅。

提出交鑪戶改煎。仍飭店員認真挑揀。再有低

銅。令廠員遣役前往改煎。火工折耗。照章鑪戶

廠員各賠五成。店員不能提出。亦令分賠二成。

至各廠銅斤。皆以至高者撥供京運。低者始撥

各省。成色不同。勢難通融撥補。且各省買銅。向

按到滇先後次第撥給亦難多為儲備更不能先儘協供京運再年運京銅幾及七百萬斤雖經議令廠員改煎但恐改煎銅色偶有參差或京外估計未能一律以後部局挑出銅斤仍在京改煎開單咨滇照例分賠○十七年

諭銅鉛攸關鼓鑄自應迅速趨運無誤期限遇有在途守風阻水等事例由地方官取結詳明督撫咨部備查近來咨部遲延部中漫無督查殊非慎重辦公之道嗣後銅鉛各運如有風水阻滯情節著沿途各督撫即將該運員因何耽延日期之處確切查明務於

各運抵京以前。聲明到部。以憑考察。儻有徇隱捏報情弊。着即指名嚴參。毋稍姑息。○又奏。貴州省白鉛。除黔蜀鼓鑄外。並運湖北省漢口鉛局。以供直隸等九省採買。現在楚鉛充足。請援道光元年成案。暫停辦運。奉

諭。黔省鉛廠。每年應辦運楚鉛二百六十三萬斤。已運至甲午年止。據該撫查明黔廠開採年久。出鉛漸少。漢局現在白鉛六百餘萬斤。覈計兩年售賣之需。尚屬有盈無缺。請照成案。將來辦楚鉛免其補運。俾漢局不致虛積。帑項亦免久懸。自係實在情形。所有該

廠應運乙未丙申兩年楚鉛。著准其暫停辦運。俟漢局存鉛漸次疏消。仍照額按年運供。以符定制。○二

十八年

諭工部錢法堂奏請飭催銅運等語。銅運為鼓鑄攸關。斷不容遲延貽誤。所有已出湖南境之桂文奎一運。已出四川境之李令儀。並湖北接運委員韓印海一運。著沿途各督撫查明行抵何處。務令星夜遶行。勒限於六月內解京。其丙午李暘一運。丁未王階鈺盛。熙瑞馮繩祖三運。僅在四川及滇省起程。均令領運各員迅速趨行。於八月內解局。以資接濟。至未報開

行之丁未三運。並令該督撫嚴催。僮運員藉詞延宕。或該地方官催趨不力。即著查明叅辦。○又議准黔員交贖鉛斤。照嘉慶十三年奏案發價收買。以充公用。惟寶源局現存白鉛三百四十萬餘斤。黑鉛九十一萬二千三百餘斤。足敷三年之用。自應暫停收買。令其自行售買。照例納稅。嗣後各黔員餘鉛。亦照此辦理。○又奏准近來滇省解到銅斤。每運挑出低銅約有三分之一。以致寶源局鐵砂積至二百九十餘萬斤。自道光二十九年為始。務須挑揀純淨。如再有鐵砂低銅。

照例不在交納。發還該員免稅自售。將價銀另辦銅斤。或自備火工招商煎鍊。總須補足額解之數。○二十九年奏定。凡京局挑出八成以下銅斤。計該廠不及一分者。廠員罰俸一年。一分以上者。罰俸二年。二三分以上者。降二級留任。四五分以上者。降二級調用。六分以上者。降四級調用。七分以上者。革職仍留廠勒賠。以接到部文之日起。原欠三分以下者。限三箇月完繳。四五分以上者。限六箇月。七分以上者。限一年。限內全完。題請開復。逾限不完。罰俸者。降一級。

留任。降留者降調。降調者革職。革職者不准留
廠。仍留省再限一年賠完。限內全完。准其開復。
若再不能完。無論降調降留。及分數多寡。一體
革職。應完之項。著落該管上司分賠。其店員運
員虧欠銅斤。以及管理廠店之道府處分。以次
遞減一等。○咸豐元年奉

旨。工部錢法堂奏寶源局現在銅斤不敷鼓鑄。在途各
運。疊經嚴催。尚未據報行抵何處。自應先事豫籌。著
戶部錢法堂於業經提到之湖北銅六十萬斤內。撥
交工局二十萬斤。以資接濟。其奏提未到之江蘇湖

南存銅共四十四萬三千斤。俟解到亦著照向來滇銅定額分撥工局三分之一。嗣後戶部如再提他省銅斤。並著照此劃分辦理。以昭平允。欽此。遵

旨奏准。除湖北提解內有洋銅五萬六千斤。江蘇三十萬斤。均係洋銅。留備內務府咨取劃撥外。餘俱劃分工局三分之一。將來再提外省銅斤。亦照此辦理。○三年議准。通州為銅斤起卸之區。嗣後各鋪不准製造五斤以上銅器。已成者限四箇月售賣。並聽交官收買。如限滿仍敢製售銅器入官。仍治以應得之罪。至運銅抵通。應由

運員知照通州。每車派撥兵役各二名守護。並給解批一紙。填註銅斤數目。兵役車夫姓名。到局驗收。僅有短少。即提兵役車夫訊究。用船剝運。亦照此例。○又奏准戶工兩局現已復卯鼓鑄。局銅短絀。所有滇省應辦年額正加六起京銅六百五十五萬餘斤。貴州應解年額四起京鉛四百八十餘萬斤。自咸豐甲寅年為始。仍照額辦解。再滇運京銅近年有一運挑出低銅四五十萬斤者。殊與局鑄有礙。嗣後該廠員等務須認真採辦。加工煎鍊。銅色總須八成以上。方

准起運。並飭層層挑揀。毋得再以低銅充數。○
又覆准戶部奏提寶蘇局洋銅。除供內務府咨
取外。尚須留為戶局之用。惟工局存銅短絀。相
應劃撥十七萬斤。以資應用。○四年議准寶源
局渣土。向於年終招商認買。拉運出局。淘洗另
售。恐滋弊竇。嗣後禁止出局。統俟年終。或招商
在局淘洗。酌發火工。或令本局工匠淘鍊。屆時
分別辦理。○又奏准於庫存餘銅內。動撥五萬
斤。發交三十一鑪。配鉛分鑄各項大錢。除坐鉛
本工料外。得錢二萬七百餘串。作為買銅之用。

所買銅斤。自三月起。以七成搭配庫銅。三成鼓鑄餉錢。另以三成鑄錢。陸續買銅。俟滇運到日。即行停買。○六年奏准。寶源局自咸豐四年庫銅短絀以來。或加鑄銅價。或勸捐鉛錢。藉資買銅。現在戶部奏將採買銅暫停。而局用銅斤。仍須隨時籌備。所有新舊兩廠積存渣土。即招商試辦。每土百斤。可得銅五六斤。一月約可淘土七八十萬斤。或百萬斤不等。得銅約在五六萬斤。每月即以此銅。配合現存滇銅發作。湊足十二萬斤之數。約計一年之內。銅斤無虞缺乏。○

七年

諭工部寶源局奏鑄辦鐵錢需用平鐵等語寶源局所需鐵斤由山西省採辦按季解京因上年所解潞鐵不堪鼓鑄業經咨行山西巡撫嗣後均應一律起運平鐵茲據奏稱山西應解該局秋運二批鐵斤仍由潞安府辦運恐誤鼓鑄著山西巡撫將應解寶源局鐵斤一律均以平鐵運解如平鐵或有不敷即照鐵錢局三七成搭運俾利鼓鑄○八年奏准局存鐵砂銅三十九萬五千餘斤發商煎鍊每百斤回交淨銅六十五斤其鉛燥仍按舊章繳銅十六斤

收砂黑鉛。毋庸發給。火工銀兩減半覈發。每銀一兩折制錢一串。由本局銅鐵卯錢內按二八發給。○又奏准寶源局鑄錢。待鐵孔殷嗣後山西省委員起運時先立限期。逾限不到咨吏部照私罪議處。如於一年內四運均能先到咨明該撫優予獎敘。○九年奏准寶源局鐵砂銅斤。嗣後徑交鑪頭自行煎鍊。按照發商每鐵砂銅百斤繳淨銅六十五斤之數。每作發鐵砂銅百斤。即抵作淨銅六十五斤。鍊出鉛燥每百斤仍抵作十六斤。其火工銀兩仍按發商之數辦理。

○十一年奏准寶源局銅斤短絀不敷鼓鑄。所有作內積存黝土招商煎鍊暫資接濟。每土百斤可得杆銅三十六斤。每杆銅一斤給火工京錢六百文。○又奏准寶源局煎鍊低銅前經奏明歸鑪頭煎辦。今戶部奏請在局招商辦理。本局亦應仿照所需火工銀兩亦照寶源局由戶部收買銅斤項下提取撥給以昭畫一。○同治二年奏准寶源局銅斤短絀所有作內廢土飭商設法淘洗。惟此項廢土土多銅少未便定交額數。現今加工淘洗儘數呈交計得銅十三萬

二千六百餘斤。應用火工等項比較黝土煎銅。每斤京錢六百文之數。酌加京錢一百文。○五年奏准寶源局停鑄鐵錢之後。存有片鐵枝鐵。鐵制錢三項。約二百四十餘萬斤。請招商易銅。以資鼓鑄。每鐵一斤。覈銀六釐。計十萬斤。可得銀六百兩。援照三口通商大臣採買洋銅。每四千斤合銀六百兩之例。每鐵十萬斤。令該商易交片銅四千斤。均令自行交領。毋庸開銷運腳。○又奏准寶源局新老兩局。共設三十鑪。按照現在配鑄章程。每年應用銅一百四十七萬餘

斤。即由戶部收銅局及三口通商大臣速為採辦。以資鼓鑄。○又奏准寶源局如遇老局銅斤有餘。撥發新局。令監督一員在老局監放。一員在新局監收。○六年奏准寶源局前因歷年所欠餘款卯錢積有成數。請以各作自行積存之白鉛變價易銅。賠補卯虧。現經各鑪陸續買補銅八萬一千餘斤。合鑄當十抵京錢八萬五千餘串。均於限內交庫。○光緒五年奏准雲南省試辦銅斤。改由廣西省百色至廣東江蘇航海抵津。至遲不得過九箇月二十五日。全數運至。

京局。儻無故逾限一月以上。即將該運員奏參。嚴議起解時。督辦道府親赴各廠查驗。將應解銅斤內。提取三塊。黏貼驗員印花。作為樣銅。以一塊存滇備查。二塊咨送戶部。發交戶工兩局。比較銅色。如有成色不足。並漏鑿廠名年月。以及抵換諸事。除將運驗各員分別參處外。仍提取低銅一塊發滇。由該督撫查明參辦。其運員實缺者。該管上司出考。本道加考。候補者首府出考。首道加考。抵局後錢法衙門。如查明原考不符。除將該運員查參外。並將出考各員及詳

委之藩司。失察之督撫。一併參處。○六年奏准。嗣後驗收銅斤。照例八成以上。准其兌收。八成以下。不准交納。亦毋庸復批。二成折耗。以免鑪匠藉口。其不准交納之銅。由運員招商變賣。價銀解交部庫。咨由滇省覈辦。仍嚴飭鑪匠人等。逐塊鏽驗。不准以高作低。儻有蒙混情弊。加等治罪。咨明滇省。如再有夾雜鐵砂低銅。即將承辦委員。查取職名。一併參處。○八年議准。雲南省銅運。改歸舊道。自四川省瀘州。運至湖北省宜昌。由輪船至津。轉運至京。○九年奏准。自本

年二月為始。鼓鑄大錢。改為每百斤用銅五十斤。白鉛四十斤。黑鉛五斤。惟黑鉛一項。工局久已無存。前於六年內。由戶局分撥一萬斤。刻已將罄。現在需用黑鉛較多。仍由戶局撥用。十三年奏准。寶源局招商淘鍊渣土。因器具人工昂貴。援照寶泉局成案。每支八成杆銅一斤。於例定大工銀八分外。加給一分。又奏准。神機營移交寶源局廢銅礮三尊。共重一千一百九十斤。以備鼓鑄之用。又奏准。寶源局積存鐵枝四十九萬八千八百餘斤。渣土回交碎錢。

七萬四千斤。除動爛折耗外。估計鐵五十萬斤。
招商變易黑鉛六萬斤。以備鼓鑄制錢之用。

欽定大清會典事例卷八百九十三

工部

軍器

官制

甲制

素鞬制

弓制

箭制

省兵丁軍器

佩刀

八旗

鎮仗

官

兵帳房

直

王命旗牌

令箭

胄制。親王郡王胄。鍊鐵為之。或以革髹漆。其制下達庶官。頂鑲金。火敔銜紅寶石。或藍寶石。及珊瑚綠松石。惟不得用東珠。承以金雲。下為金立龍。二飾紅藍寶石各一。又下為金銜珊瑚圓珠。又下為金垂雲寶蓋。貫槍植管。周垂熏貂纓。十有八。紅緞裏。管銜金葉四。承以圓盤。皆鑲

龍盤下鏤龍金座。冑前後梁亦鏤龍飾以雜寶。梁左右金梵文三重。上重八次。七間以金瓔珞。次二十。舞擎亦鏤龍飾雜寶。護額浴鐵鍍金龍。護頂石青鑠子錦表。月白緞裏。石青倭緞緣。左右護耳護頸亦如之。俱中敷鐵鑠外布金釘。繫青緞帶六。冑襯石青緞表。月白紬裏。頂綴紅絨。貝勒貝子固倫額駙冑。頂銜素金。寶蓋盤座俱鏤花金不加飾。周垂熏貂纓十有四。餘俱如親王冑制。入八分公冑。頂植蜜鼠尾。寶蓋盤座俱髹以漆。鍍金花及雲龍。周垂貂尾纓十有二。梁

及舞擊亦髹漆。鈹金雲龍。梁左右無梵文。餘俱如親王。胄之制。領侍衛內大臣八旗都統前鋒統領護軍統領直省總督提督巡撫。胄頂植鵬翎二。銜鑲花金葉。寶蓋盤座俱髹以漆。鈹金花及雲龍。周垂貂尾。纓十有二。梁及舞擊亦髹漆。鈹金雲龍。梁左右無梵文。護頂護耳護頸皆石青緞表。藍布裏。通繡蟒五。中敷鐵鏢。外布銀釘。繫石青緞帶二。胄襯石青緞表。藍紬裏。頂綴紅絨。內大臣和碩額駙郡主額駙內大臣上行走之公侯伯散秩大臣。胄頂植蜜鼠尾。周垂朱氂。

餘與領侍衛內大臣之制同。隨旗行走之公侯伯子男文一二品武一品八旗副都統鎮國將軍輔國將軍奉國將軍奉恩將軍等縣主額駙直省總兵。胄頂植熏獾尾。周垂朱氂。餘與諸胄制同。文三品至五品驍騎參領郡君縣君鄉君各額駙直省副將。胄頂植獾尾。周垂朱氂。寶蓋盤座前後梁及舞擎俱鍍銀雲龍。餘與諸胄制同。侍衛鑾儀衛所屬官。胄頂植貂尾。周垂朱氂。寶蓋盤座前後梁及舞擎俱鍍銀雲龍。餘與諸胄制同。前鋒參領護軍參領前鋒侍衛。胄頂植

獼尾。周垂黑氂。寶蓋盤座前後梁及舞擎俱鍍銀雲龍。餘與諸胄制同。文六品至九品直省參將以下胄。頂植獼尾。周垂朱氂。不加鍍飾。護項護耳護頸均不施繡文。餘與諸胄制同。前鋒校胄。護軍校制同。鍊鐵為之。頂植鐵鏢。周垂朱氂。寶蓋以下俱素鐵。不加鍍飾。護項護耳俱白緞。表素裏。紅片金及石青布緣二重。繡蓮花中敷鐵鏢。外布黃銅釘。胄襯石青緞。表藍布裏。頂綴紅絨。驍騎校胄。頂周垂黑氂。護項護耳俱表以緞。各從旗色。鑲黃旗鑲白旗鑲藍旗紅綠。鑲紅旗石

青緣。正黃旗。正白旗。正紅旗。正藍旗。皆如表色。餘皆如前鋒校。胄之制。前鋒。胄。護項。護耳。俱青布表。月白裏。緣如表色。不施采繡。餘與前鋒校。胄制同。護軍。綠營兵。皆冠之。馬甲。胄。頂。周。垂。黑。釐。護項。護耳。俱表。以布。各從旗色。鑲黃旗。鑲白旗。鑲藍旗。紅緣。鑲紅旗。石青緣。正黃旗。正白旗。正紅旗。正藍旗。皆如表色。餘與前鋒校。胄制同。護軍校。棉。胄。制。革。為之。髻。以漆。頂。植。銅。鐐。周。垂。朱。釐。惟。正。紅。旗。黑。釐。飾。皆。黃。銅。護。項。護。耳。俱。白。緞。表。藍。紬。裏。緣。如。表。色。中。數。棉。外。布。黃。銅。釘。胄。

襯石青緞表。藍布裏。頂綴紅絨。驍騎校棉胄。頂周垂黑釐。護項護耳皆石青緞表。餘與護軍校棉胄同。前鋒棉胄。頂周垂朱釐。護項護耳皆紬表布裏。外布白銅釘。胄襯石青布表。餘與護軍校棉胄制同。護軍亦冠之。馬甲棉胄。周垂黑釐。護項及護耳皆紬表。各從旗色。藍布裏。鑲黃旗鑲白旗。鑲藍旗俱紅緣。鑲紅旗白緣。正黃旗正白旗。正紅旗正藍旗。緣如表色。外布白銅釘。餘俱如護軍校棉胄之制。胄襯石青布表。藍裏。頂綴紅絨。鹿角兵亦冠之。○光緒二年咨准各省

槍礮隊以竹盃為護首。每頂高五寸。圍圓一尺九寸。竹篾編織。盃口紮藤皮。上安木盃槍頭盤。腰下錠竹。盃尾護耳遮眉。圍領油飾成造。

甲制。親王郡王甲。石青錄子錦表。月白紬裏。中敷鐵鏢。外布金釘。青倭緞緣。裳幅鐵鏢四重。護肩接衣處鐵鏢十有四。周圍鍍金雲龍飾。珊瑚綠松青金石各一。前懸護心鏡。甲條全黃色。貝勒貝子固倫額駙入八分公甲。條石青色。餘與親王甲同。領侍衛內大臣八旗都統前鋒統領護軍統領直省總督提督巡撫內大臣和碩

額駙郡主額駙內大臣上行走之公侯伯散秩
大臣隨旗行走之公侯伯子男文一二品武一
品八旗副都統鎮國輔國奉國奉恩將軍等縣
主額駙直省總兵甲石青緞表藍布裏中敷鐵
鏢外布銀釘石青倭緞緣前後及護肩護腋前
襠左襠各繡團蟒一裳幅團蟒二護肩接衣處
鐵鏢二十髹漆鍍金龍甲條石青色文三品以
下驍騎參領郡君縣君鄉君各額駙直省副將
以下甲前後及護肩各繡團蟒一裳幅團蟒二
餘與八旗都統甲同侍衛及鑾儀衛所屬官前

鋒參領護軍參領甲。前後及護肩各繡團蟒一。
裳幅鐵鏃四重。護肩接衣處鍍銀雲龍。餘與領
侍衛內大臣甲同。前鋒校甲。護軍校制同。白緞表。素

裏無袖。中敷鐵鏃。外布黃銅釘。紅片金及石青
布緣二重。前後繡蟒各一。通繡蓮花。裳幅鐵鏃
三重。驍騎校甲。表以緞。各從旗色。緣亦如之。餘
與前鋒校甲同。前鋒甲。青布表。月白裏。緣如表
色。不施采繡。餘與前鋒校甲同。護軍及綠營兵
皆被之。馬甲則表以布。各從旗色。緣亦如之。餘
與前鋒校甲同。護軍校棉甲。白緞表。藍袖裏。緣

如表色中敷棉。外布黃銅釘。上衣下裳左右袖
護肩護腋。前襠左襠皆全。驍騎校棉甲。石青緞
表。餘與護軍校棉甲同。前鋒棉甲。石青紬表。藍
布裏。外布白銅釘。餘與護軍校棉甲同。護軍亦
被之。馬甲棉甲。紬表各如旗色。藍布裏。緣如冑
制。中敷棉。外布白銅釘。上衣下裳護肩護腋前
襠左襠全。

橐鞬制。親王郡王橐鞬。以青倭緞為之。紅氈
裏。綠革緣。飾皆鏤金花文。酌銜紅寶石。綠松石
青金石。繫金黃綾。懸以金黃帶。紅片金裏。金版

九銜飾亦如之。貝勒至入八分公。素鞬繫石青綵。餘俱如親王之制。職官一等素鞬。以革為之。白罽裏。綠革緣。加紅黃綫三道。各綴銀二。懸革帶。藍布裏。前繫以鈎。左右及後帶版各一。帶及素鞬銀飾。皆鐵質鍍金。一二品職官佩之。職官二等素鞬。紅織絨裏。帶及環飾。皆鐵質鍍銀塗金。餘俱如一等之制。三品至五品官佩之。職官三等素鞬。緣加紅黃綫二道。紅織絨裏。帶及環飾。皆銅質鍍花。餘俱如一等之制。六品至九品官佩之。兵丁撒袋。黑革緣。不加綫。紅織絨裏。帶。

及鑲飾。皆銅質不鏤花。餘俱如一等之制。

弓制。親王以下弓。樺木為幹。面傅黑角。背傅筋。蒙樺皮。弣加暖木。兩梢以桑木。飾白樺皮。牀飾角。紉皮為弦。長四尺九寸。凡官造。親王十。世子九。郡王八。長子七。貝勒貝子皆六。鎮國公輔國公皆四。鎮國將軍至奉恩將軍皆二。職官兵丁弓。習射用者。榆木為幹。傅以黑角。背傅筋。蒙樺皮。弣加暖木。兩梢以桑木。刻其末為弦。彊。弦牀飾。鯊魚皮。弦以絲。長四尺九寸。軍事用者。弦紉鹿皮為之。餘制一式。五力至七力弓。用竹為

幹。或以木。弓面弓弛。任傅牛鹿角。背傅膠。牛膠八兩。魚膠六兩。蒙樺皮。或以桃皮。暖皮用鹿。稍木二。稍背。任用牛羊角。弦牀鹿角二。絲弦重一兩。皮弦制同。力重者。膠弦以次增加。弓至十八力者為最重。

箭制。親王以下箭。樺木為筈。長三尺。鐵鏃長三寸。筈首飾樺皮。阜鵬羽。羽閒親王郡王書爵。貝勒以下書名。括髮朱。凡官造。或以鈇箭。或以梅鍼。親王三千。世子二千五百。郡王二千。長子千七百。貝勒千五百。貝子千。鎮國公七百。輔國

公六百。鎮國將軍四百。輔國將軍三百。奉國將軍二百。奉恩將軍百七十。職官兵丁箭。樺木或柳木為筈。長三尺。鐵鏃長三寸。筈首飾樺皮鶴羽。羽閒職官書銜名。兵丁書名。括髻朱。凡官造或以鈇箭。或以梅鏃。八旗世職民公五百五十。侯伯子男各以五十為差。輕車都尉二百五十。騎都尉雲騎尉各以五十為差。武職一品至五品視子男以下。六品以下百。文職一二品視子男。三品京堂視武二品。四品京堂科道郎中視武三品。員外郎視武四品。主事鳴贊廕監生視

武五品。筆帖式。視武六品。護軍前鋒領催人七十。馬甲人五十。步軍人四十。直省總督巡撫提督總兵武職兵丁。各視其品級所得與八旗同。至馬步等箭。筈以木。筈首飾羽翎三。蒙桃皮。傅魚膠一錢。牛筋四分。如生絲。用桐油三分。銀硃二分。水膠五分。鐵鏃如式製造。

佩刀。親王郡王佩刀。長二尺七寸。刃長二尺二寸五分。闊一寸四分。釜為鐵盤。鍍金。厚二分。柄長四寸三分。木質纏金黃絲。末銚以鐵。亦鍍金。繫金黃綾。室長二尺五寸。木質髹漆。繪五色。

蓮花雜飾珊瑚珍珠青金石綠松石。惟不得用東珠。貝勒至入八分。公佩刀。柄纏青絲。繫石青綫。餘俱如親王郡王之制。職官佩刀。長二尺六寸四分。刃長二尺二寸。闊一寸三分。釜為鐵盤。鍍金。厚二分。柄長四寸二分。木質纏綫藍。色末。鈷以鐵。亦鍍金。繫藍綫。室長二尺五寸。木質裹革。飾皆鐵質。鍍金。兵丁佩刀。飾皆黃銅。餘俱如職官之制。

八旗鎧仗。○順治初年定。八旗甲兵需用盔甲。由兵部移咨。每副折給銀四兩八錢八分三釐。

令其自行辦造。又定軍器由兵部定式移文工部製造。按名給發。仍令該管官隨時稽察。有損缺者修整補製。如有贏餘器械留營以備增補。敝壞者悉行銷毀。五年奏准。馬甲每名給甲一盞。撒袋一弓。箭四十。腰刀一。步軍每名給甲一盞。一弓。箭三十。腰刀一。長槍兵給長槍一。烏槍兵給烏槍一。直省兵丁均照此給發。又定八旗兵需用盞甲軍器移文工部製給。或給銀令其自製。直省兵丁鎧仗動支本地錢糧造給。報部覈銷。其守護

陵寢兵丁及八旗新滿洲甯古塔新滿洲人等應給軍器該管大員奏准咨部弓箭由兵部給發。盔甲等項由兵部轉行工部造給。○康熙十八年題准護軍盔甲每副折給銀四兩八錢八分三釐。馬甲步軍盔甲折給銀四兩一分五釐。○二十二年題准兵丁盔甲每副折給銀三兩七錢。並給烏槍一杆。○二十七年定新來滿洲官兵咨部按名給發軍器軍裝什物並給予房價。○又定新滿洲藍翎侍衛應得盔甲每副折價銀十有三兩五錢。腰刀撒袋折價銀五兩四錢一分。

鞞轡皮荷包箭囊。折價銀六兩四錢二分。八旗甯古塔新滿洲兵丁軍器由各該處咨部。每人各應得盔甲長槍弓箭單水缸鐵鍋鏟刀。帳房二人共一架。共折銀十兩八錢四分二釐四毫。腰刀撒袋箭囊皮荷包鞞轡馬槽。共折價銀六兩一錢六分有奇。均令該旗及該將軍具題赴部支給。自行備造。○四十五年題准。護軍盔甲。每副折給銀四兩五錢。馬甲步軍盔甲。每副折給銀三兩七錢。烏槍兵丁盔甲。每副折給銀三兩五錢。○五十三年題准。烏槍兵丁盔甲。每副

仍照原價折給銀三兩七錢。○雍正元年議准
護軍盞甲每副鐵葉銀四兩五錢合工料銀共
十有二兩定為十一兩其護軍校盞甲銀十有
五兩六錢有奇定為十五兩。○二年奉

旨。八旗軍器年久殘缺不全。兵丁無力修整。著賞給庫
帑。各旗覈明數目。照舊設立。三年點驗之時。暫行封
貯。俟各旗驗畢。始令發回。以杜挪借。○十一年議准
八旗官兵盞甲弓箭撒袋等項。多不齊備。每遇
點驗。私相挪借。亦有初授之官。新選之兵。不及
設立者。應令各佐領覈明殘缺軍器。或係全無。

或缺少若干。逐細報明補造。借給俸餉。以為價值。但一時購買。不特昂貴。亦難堅固。請令各該旗將官兵職銜軍器數目。造具清冊。移送到部。照依定價按式成造分給。其借給俸餉。官以四季扣完。兵二十月扣完。該管大臣每年於霜降後點驗一次。仍令各佐領稽察。儻年久應修。亦照此例造給。如兵內有升遷調遣者。將軍器酌量設立年分折算價值。交與頂補之人。陸續坐扣錢糧。給還本人。如新授之官。未有軍器。願扣俸設立者。照例造給。又奏准撥給崇文門官

房一所。設立軍需局。遴委賢能司官監造八旗官兵軍器所需工料。均分等按旗覈定價值。官員盔甲。一等每副銀二十八兩八錢五分五釐。二等每副銀二十兩八錢五分五釐。三等每副銀十七兩六錢八釐八毫八絲。前鋒護軍驍騎校盔甲。鑲黃旗每副銀十兩八錢八分二釐八毫二絲八忽。正黃旗每副銀十兩七錢六分二釐八毫二絲八忽。正白旗每副銀十兩八錢八分二釐八毫二絲八忽。鑲白旗每副銀十兩七分二釐八毫二絲八忽。正紅旗每副銀十

一兩二錢六分二釐八毫二絲八忽。鑲紅旗每
副銀十兩七錢六分二釐八毫二絲八忽。正藍
旗每副銀十兩一錢二分八釐八毫二絲八忽。
鑲藍旗每副銀十兩四錢三分二釐八毫二絲
八忽。前鋒盔甲。鑲黃旗每副銀七兩九錢一釐
三毫六絲三忽五微。正黃旗每副銀七兩七錢
七分二釐七毫四絲三忽五微。正白旗每副銀
七兩九錢一釐三毫六絲三忽五微。鑲白旗每
副銀七兩七錢七分二釐七毫四絲三忽五微。
正紅旗每副銀八兩三錢七分二釐七毫三絲

七忽五微。鑲紅旗每副銀七兩七錢七分二釐。
七毫四絲三忽五微。正藍旗每副銀六兩七錢
六分六釐五毫三絲六忽五微。鑲藍旗每副銀
七兩四錢一分一釐八毫三絲六忽五微。護軍
盃甲。鑲黃旗每副銀七兩三錢八分五釐九毫
七絲五忽五微。正黃旗每副銀七兩二錢五分
七釐三毫五絲五忽五微。正白旗每副銀七兩
三錢八分五釐九毫七絲五忽五微。鑲白旗每
副銀七兩二錢五分七釐三毫五絲五忽五微。
正紅旗每副銀七兩八錢五分七釐三毫四絲

九忽五微。鑲紅旗每副銀七兩二錢五分七釐
三毫五絲五忽五微。正藍旗每副銀六兩二錢
八分八釐六毫一絲六忽五微。鑲藍旗每副銀
六兩九錢一分一絲六忽五微。馬甲盔甲。鑲黃
旗每副銀四兩六錢五分六釐三毫六絲六忽
四微。正黃旗每副銀四兩六錢二分八釐六毫
二絲四忽四微。正白旗每副銀四兩六錢四分
一釐六絲七忽九微。鑲白旗每副銀四兩六錢
六分八釐八毫一絲五忽四微。正紅旗每副銀
四兩一錢六分九釐二毫三絲七微。鑲紅旗每

副銀四兩七錢二分六釐六忽九微。正藍旗每
副銀四兩六錢四分一釐七絲二忽九微。鑲藍
旗每副銀四兩六錢六分八釐八毫一絲五忽。
四微。步軍棉甲。鑲黃旗每副銀三兩六錢六分
四釐五毫五絲二忽。正黃旗每副銀三兩六錢
四分二釐九絲二忽。正白旗每副銀三兩六錢
四分五毫五絲二忽。鑲白旗每副銀三兩六錢
六分四釐五毫五絲二忽。正紅旗每副銀三兩
三錢一分四釐八毫五絲六忽。鑲紅旗每副銀
三兩七錢一分九絲二忽。正藍旗每副銀三兩

六錢五分四毫二絲二忽。鑲藍旗每副銀三兩六錢七分二釐八毫八絲二忽。官員囊鞬一等每副銀四兩。二等每副銀二兩九錢。三等每副銀二兩。兵丁撒袋每副銀一兩七錢。官員腰刀每把銀三兩五錢六釐。兵丁腰刀每把銀二兩二錢八分。○乾隆二十三年奏准。官員盔甲及軍器。理宜自備。即有殘缺。伊等自行黏補。較之官修更為堅固。至護軍校。驍騎校等。雖係六品。仍在兵丁數內。前因操練亮兵。備造盔甲。棉甲時。竟未議及修補。今修造護軍校。驍騎校等。盔

甲既已停止。所有棉甲仍交製造處補足二千副存儲備用。嗣後工部修製盔甲永行停止。其兵丁撒袋腰刀官為照常製造。二十四年奏准八旗官員兵丁應用盔甲撒袋腰刀及一切軍械等項。曾取正藍旗官房一所。計七十間。設立軍需局。派員辦造。今修造盔甲既已永行停止。嗣後八旗等處如有咨取修造腰刀撒袋等項。派員擇地成造。不致貽誤。其官房交內務府查收。原設軍需局裁汰。○三十六年奉

旨。據工部月摺內開。有正白旗滿洲都統所屬新滿洲

前鋒魯奇訥應得馬槽一箇。照例折給銀六錢一項。此等甫經安插之新滿洲索倫烏拉齊等一切應用之項。俱由官給。特因伊等遠來京師。一切應用器具不能自辦。是以由官辦給。用資生計耳。若將此各項錢糧瑣細事件。一一由該旗咨部。該部復按例折給。殊屬紛繁。微特不成事體。且旗文部文報轉往返。致所屬胥役人等從中滋弊。亦斷不能如數全得。轉令伊等不能仰需實惠。亦與官辦賞給本意未符。著交御前大臣及該部衙門。將嗣後甫經安插之新滿洲索倫烏拉齊等一切應得之項。作何折給銀兩。毋事

紛繁。期於伊等實有裨益之處。公同詳悉定議具奏。
欽此遵

旨議定。八旗新滿洲應得軍器等項物件折價銀頭二
等侍衛六百兩。三等侍衛藍翎侍衛四百兩。前
鋒護軍拜唐阿二百兩。○嘉慶十八年

諭。國家修明武備。禁暴戢姦。必平日紀律嚴明。器械堅
利。方足稱干城之用。近因承平日久。漸就廢弛。卒伍
既多怯懦。軍器敝壞相仍。一有緩急。備禦全不足恃。
即如前月十五日。賊匪突入禁門者。僅止數十人。各
處守門官兵。不能立時擒捕。甚至各門所備弓箭刀

矛。全係飾觀。不堪應用。尤為可詫。夫慎簡軍實。器械為先。全在鋒銛堅利。方能殺敵致果。即壯勇兵丁。亦不能以徒手搏賊。况恒怯之人。加以朽敗之器。何怪其臨時倉皇乎。軍政若此。不可不亟加整飭。著兩翼前鋒統領八旗護軍統領。將紫禁城內例設各項軍器。逐一查點。可用者若干。應行修理補造者若干。其各城門及各堆撥例設軍器。並各營應用軍器。交八旗都統副都統步軍統領及管理圓明園暨火器健銳營大臣等一體確查據實具奏。至遲在本月二十日之外。若遲延推諉。耽閣不辦。自行摘去翎頂議罪。

具奏。朕另簡賢臣辦理。不患無人也。並著武備院先查明該院現存各項軍器。共有若干。開單具奏。所有各處軍器殘缺不全者。先將該院現存軍器撥補。再有不敷。動項製造。各該管大臣不得以籌款為辭。違延時日。俟彙齊交工部等衙門確覈需項若干。奏上。朕發帑飭修。勒限報完。另派大員前往查驗。如有製造不精。通融短缺等弊。必將該管大臣從重治罪。各禁門經朕常時出入。或間一抽驗。察有弊端。該管之員難逃重譴。軍械既全。管理營務各大臣。以時認真訓練。務令步伐整嚴。將士相習。庶軍政修明。克副有

備無患之意。又

諭著管理旗營大臣。嚴飭所轄兵丁。毋許將軍器私行典當。仍不時查察。違者重懲。著順天府五城出示。嚴切曉諭。鋪戶如有違例收當者。事發一併治罪。○道光二年議准。

皇太后駐蹕綺春園。正門安設撒袋二十四副。長槍二十杆。嘎嘎燈一對。○十九年奏准。

紫禁城內外各朱車及

圓明園各堆撥。安挂器械。改為十年換造一次。○二十一年議准。八旗漢軍加演槍礮新陣。各旗

營添製金龍纛一杆。素龍纛一杆。金虎旗八十杆。素虎旗八十杆。火令旗十二杆。號鼓二面。號鑼四面。由工部製造給發。○同治十二年奏准攢竹槍每杆例價銀七錢。按照五成發給之數。酌加實銀一錢。作為每杆領價實銀四錢五分。○光緒十年奏准攢竹槍杆係

禁城陳設之件。必須格外堅緻。照例每杆給實銀七錢。

官兵帳房。○定例官員用藍布。每架高六尺五寸。下闊丈二尺。深六尺四寸。兵丁用白布。有堂

屋者每架高六尺五寸。下闊丈二尺。深九尺六寸。無堂屋者。制與藍帳房同。布疋棉綫。移戶部支領。零星物料。工匠價值。由部覈給。委官成造。存儲軍需庫。如遇

聖駕巡幸。各旗按數赴部支取。事畢繳回。年久應修。委官驗實。隨時修補。○乾隆三十七年。奏准工部向設有堂屋帳房四百四十架。係恭備

聖駕巡幸之用。又設無堂屋帳房二百四十架。內八旗每次領用一百二十架。左右兩翼每次領用四十架。其餘八十架。給發太僕寺兵部等衙門。

領用。再有堂屋帳房五百八十架。係八旗滿洲漢軍官兵赴盧溝橋演礮應用之項。以上各項帳房。凡遇應行給發時。該管庫官先期挑選。呈請修補。再揀派司員查看明確。覈給錢糧修補。以資臨時應用。以成造之日為始。定限五年之後。如有破壞。准管庫官呈報。派員查驗酌量修補。俟過十年。果有不堪應用。呈明派員確查。再行奏請添製。倘領用員弁不行小心支搭。以致限內損壞。責令該員弁賠補。以重典守。至有堂屋帳房四百四十架。係恭備

聖駕巡幸之用。其八旗及左右兩翼領用帳房一百六十架。亦係隨營管理聲音安設堆撥之用。遇有虧損。仍照舊例隨時報修。派妥員覆驗後。再行修製添補。以備應用。○咸豐十年奏准。工部籌備帳房。戶部領取布疋不敷。成作。援案採買。每架工料市價京錢一百二十三千。此外尋常軍需。不得援以為例。

直省兵丁軍器。○順治四年議准。鐵盔每頂工料銀一兩五錢。鐵甲每副工料銀三兩三錢。○七年議准。棉甲每副工料銀二兩。弓每張銀一

兩箭每枝銀四分。腰刀每把銀九錢二分。鳥槍每杆銀一兩三錢。長槍每杆銀一錢。十年議准各省軍器。或遇缺額。或新增。該督撫照兵部經制額數具題。由部覈准。成造。仍將動支錢糧奏請開銷。康熙十七年題准。直省兵丁鐵盔甲。每副減定銀三兩七錢。雍正七年議准。各省如遇裁兵。所遺盔甲器械數目。於年終彙冊送部。十三年覆准。河南省各營補製缺額棉盔甲鳥槍及馬兵花鐵盔甲。動用存公銀照數改造。工竣造冊送部覈銷。至各營鐸鍋帳房等

項俟用時報部補製並將堪用之刷刀藤牌旗
幟盃甲鳥槍小旗等項數目造具清冊送部查
覈○乾隆十六年奏准各省軍器武備攸關向
來增造拆修並未定有章程一應報銷往往同
一器械彼此價值多寡懸殊部內惟據舊案覈
銷而各省又不遵照覈減舊案造報以致往返
駁詰案牘紛繁遵循無據應令各督撫照城垣
衙署之例將一應軍器軍裝什物等項按照各
營情形分別輕重大小物料工匠確訪該處價
值據實覈定造冊送部會同九卿定議頒發各

省遵行。○五十六年

諭鐵盔鐵甲。係堅實經久之物。不過於各省查閱營伍時。偶一穿戴。並不常用。即調派出兵。若穿鐵盔鐵甲。必致難以轉動。此歷來出兵打仗之人所深知。何必定修製年限。致啟營伍開銷浮冒之漸。○嘉慶十八年議准。直省各營軍裝器械。每年均於十月內起限。委員盤查造冊詳送。統於封印前具題。其每年十月以後。凡有收支軍械。即造入下年題報冊內。送部查覈。○又

諭御史孫升長條陳一摺。國家設兵以資捍禦。戰守之

備全賴軍器精良。乃承平日久。各管兵大臣一任廢弛。竟至軍器缺額。或敝壞不堪。不足以彰武備。著各該旗營大臣將所屬官兵軍器實力點驗。悉令補製足額。經此次訓飭之後。儻軍器再有缺額損壞者。一經查出。必將該管大臣從重治罪。○道光五年

諭那彥成奏酌定各營修製器械章程一摺。各營額設器械例應查覈年限。隨時修補。以昭軍實。據該督查明直隸各營請修軍械。覈明銀數分別奏咨。俟准部覆後。由該營員具領回營。自行製造。僅據空文詳報。恐不免有彌縫虧挪情弊。嗣後凡遇此等請修各案。

所估銀數。統俟奏咨覆准。一面飭知該營赴司具領。一面呈報該督。派委委員。會同該營員。就近在省。如式監製。由該督親加點驗。儻有偷減情弊。即行叅辦。著賠。以杜捏冒。而嚴武備。○又奏准。粵東水陸各營。歷年出洋緝捕。沈失軍械。補製齊全。分給各原營領回應用。至此項銀兩。係動支捐款。照捐辦成案。免其造冊報銷。其應行保固之處。仍照定例遵行。○十二年奏准。密雲駐防兵丁。烏槍四百八十杆。太短。演放不甚得力。另造四百八十杆。每杆長三尺四寸。○十三年奏准。山東省籌

款生息。津貼充登曹三鎮修補營械。免其造冊報銷。○十四年奏准廣州旗營另造火漆纏筋戰弓六百張。前鋒領催暨甲兵每名配足戰箭一百枝。刀矛亦更改式樣。令便捷合用。由粵海關稅內撥給銀五百兩製造。○十七年覆准熱河圍場添置木杆鈎連長槍四百二十杆。按八旗每旗各給長槍五十杆。其餘二十杆發給新設賽罕莫多鑲黃正黃二旗卡密小撥。每遇差竣回時仍繳官收存。共用工料銀一百九十九兩八分。○十八年

諭特依順奏腰刀不能鋒銛槍杆不敷操演請監造採買等語。密雲旗營原設腰刀。間有白鐵無鋼。無裨實用。著准其由京招匠。前赴密雲。飭令協領等親視監造。純鋼折鐵長把腰刀四百把。貯庫備操。所需白蠟長杆。准其前往山東採買。四五百根應用。此二項銀兩。即由請借修理房屋軍器餉內辦理。○二十年奏准西安滿營添造月牙弓一百張。撒袋一百副。透甲錐箭一萬枝。○二十一年議准浙江省因定鎮甯波軍興軍械遺棄無存。製造工料昂貴。一切軍器需用工料價值。於定例之外。暫加四

成侯凱撤卽行停止。○二十二年議准江蘇省
設立浙江後路糧臺。製造軍裝器械。因軍需緊
急。工價日昂。於例價之外。暫加三分。凱撤後卽
行停止。○又

諭吉林將軍等。進木鳥槍鞘八箇。綫槍鞘八箇。以後均
著照由內發出鞘樣製造呈進。○咸豐二年

諭吳文鎔奏。動款分年修造軍械等項一摺。雲南省道
光二十五六等年永昌案內。並雲緬彌渡保山等案
內。損失軍械用缺火藥鉛丸等項。經該督查照各標
營報冊。分別准駁。籌款修造。約需銀四萬三千餘兩。

著准其將各營公費。歲撥餘贍節省銀兩動用。五年後照額補全。○同治二年議准。順天四路捕盜營。添設兵丁一百名。經制額外外委各一員。四路共需添設擡槍三十二杆。烏槍四百杆。單刀四百把。長矛二百杆。鞞鞋三百二十副。號衣六百件。火藥四千斤。火繩四千根。鉛丸二千四百斤。鐵砂一千斤。葫蘆藥管九龍袋抹藥葫蘆各四百件。○九年議准。直隸省練軍另立馬隊營。每營營官一員。月給公費銀一百兩。豫備獸醫工匠旗幟號簿之用。以及修建營房馬槽經費。出征

巡防所帶帳棚鋤各數目。並新買之馬。暨由
守戰兵挑入馬兵者。由營官置備。騎馬鞦韆草
刀。麩料。口袋。號衣等款。立營之始。報銷一次。應
由該督轉飭各營。分析造冊送部覈銷。其應用
小槍。洋槍。長矛。藥鉛。帳棚等項。由軍需局發給
者。即令該局承辦之員。將各件數目及工料銀
兩。造冊送部覈辦。○又議准。練軍步隊。每營五
哨。中哨營官自帶。前後左右四哨。各有哨官。每
哨一三五七凡四隊。用火器二四六八凡四隊
皆用刀矛。各若干件。及應用藥鉛數目。分析造

報。每營每月酌給公費銀一百兩。以備各官及軍裝醫生工匠薪糧。並製辦旗幟號簿等用。其統領自帶一營。照營官之例。月支薪水公費銀兩。遇有軍械損壞。隨時修補。至每營營官幫辦書記軍火糧餉。共用單夾帳棚若干架。各款目工料銀兩。均令各造清冊送部覈辦。○又議准山東省綠營馬兵。挑選五百名。分為二營十哨。仿照直隸省練軍章程。每營月給公費銀六十兩。以備修補鞵轡及藥餌油燭之用。○光緒元年議准河南省河北歸德二鎮額兵內。抽練步

兵一營馬兵一營。南陽鎮額兵內抽練步兵二營馬兵一營。每營營官薪水外給公費銀一百兩。獸醫工匠旗幟號衣均在其內。置備牽鞵鐵轡鋤刀口袋號衣等項。初成營時報銷一次。常年動公費修補步兵營官月給薪水公費與馬隊同。各款目工料銀兩造冊送部覈銷。○又議准陝西省漢中鎮添募步兵一營。製造旗幟號衣銀四百兩。○二年議准陝安鎮標三營挑練精壯五百名立為鎮威營。其營制及採辦旗幟號衣等項俱照漢中練兵章程辦理。○三年題

准黑龍江添製邊防西丹角弓一千張梅鍼箭
五萬枝撒袋一千副烏槍三千杆腰刀四千把
牽轡二千副共用銀三萬一千二百四十一兩
八錢四分。○六年議准黑龍江練軍添製腰刀
五千把用牛皮油鞘矛頭五千件並吉林採辦
樞梨矛杆五千根矛纓五千分腰刀每把作價
銀一兩五錢五分矛頭每件價銀二錢三分矛
纓每分價銀五分樞梨矛杆每根價銀五分五
釐。○又奏准添造梅鍼箭十八萬枝每枝價銀
七分五釐腰刀三千把每把價銀一兩二錢五

分。烏槍九百杆。每杆價銀二兩九錢四分。又
奏准廣西省就省標各營抽練二營。提標抽練
二營。左右江兩鎮標各抽練一營。合成三千人。
營官月給薪水銀四十兩。公費銀六十兩。軍裝
醫生工匠薪糧及置辦旗幟號衣等費。均在其
內。初立營時。工料價值覈實開報。成營後。搬運
破損。各營官在公費內添置修補。俟一年期滿。
實係破爛。方准領價製換。

王命旗牌。順治初年定。旗藍色。方廣二尺六寸。兩
面銷金清漢令字各一。清漢令字上各鈐兵部

印旗杆一。長如旗。木頂朱緯髻。牌椴木質。通高一尺有二分。圓徑七寸五分。厚一寸。朱髻上刻荷葉形綠髻。牌兩面刻清漢令字各一。懸於槍上。槍長八尺。榆木為之。鐵槍槍冒髻以黃繪龍。垂以朱髻。牌邊槍杆均刻清漢令字第幾號。填以金。○又定。經略十二副。總督挂印。總兵官各十副。巡撫提督八副。總兵官五副。○又定。令旗令牌不加謹存儲。以致損折者。罰俸六月。其因水火盜賊損失者免議。○康熙七年題准。總督十副。提督八副。總兵官五副。巡撫不令管兵。停

其給發。○又覆准。旗牌兼書清漢字。前經領過者。繳部換給。○九年題准。甘肅巡撫照舊管兵。仍給旗牌。○十二年題准。直省巡撫均令管兵。照例頒給旗牌。○雍正三年。

諭。各直省督撫提鎮。舊例均有頒發王命旗牌。所以重節鎮之權。崇天室之威也。但傳守既久。或遇地方卑溼。蟲蛀漆剝。或因閱歲滋多。形製毀敝。而該督撫提鎮等。以旗牌損壞例當叅處。但藏之柙筭。不敢修整。甚有豫防損壞。將所領旗牌收貯。照樣別造者。尤為不可。嗣後各督撫提鎮所領王命旗牌。務須加謹收

護毋致損傷。亦不可別造。其有地方卑溼。閱歲滋多。不免蟲蛀漆剝形製毀敝者。從寬免其處分。聽其一
面照式整修。一面咨部備案。○乾隆十四年奏准。旗
牌金書令字之上。例鈐蓋兵部印信。今各部已
遵

旨改用新鑄清篆印信。而各省存儲旗牌。尚係兵部舊
印。自應更製。將旗面移送兵部。換鈐新印。由部
行知直隸各省督撫提鎮委官赴部請領。以昭
信守。至舊領旗面。俟頒發到日。即照數送部繳
銷。

令箭。○順治初年定。旗面大將軍將軍督撫提鎮均用三角旗。駐防將軍都統副都統均用方旗。咸以雲緞為之。三角旗高一尺八寸。斜長三尺。下闊二尺四寸。大將軍將軍本旗色。督撫提鎮黃色。方旗高一尺五寸五分。闊九寸五分。均銷清漢金令字。及清漢官銜。箭鏃以鐵為之。兩面鍍銀清漢令字。下鍍銀清漢十二辰字。移送兵部配製。箭羽鈐印頒發。○康熙三十三年奏准。步軍統領增給令箭十二枝。旗面金書提督九門步軍巡捕三營統領清漢字樣。由部製造。

頒發。○乾隆十四年奏准步軍統領衙門舊設
令箭。年久損壞。應行更換。再巡捕營三字業經
遵

旨。繕清。所有該衙門印信。已照新定字樣改鑄。前項令
箭。應照式更造給發。至各省督撫提鎮駐防將
軍。舊例亦有令箭。一併改製頒給。以示畫一。